




ხაზ. ლ. კატხვაშვილი

— თუ მოდის, ბარამ დროზე მოვიდეს ის კომისია, თორემ დავწყდით ხალხი მთელი დღე სამსახურში უფვანით!..



სალადობო სტრიქონები რეზო ამაშუკელს

ორმოცდაათი წლისა იგი - პოეტი, კაცი უბრწყინვალესი,
და ბოლო წიგნი, ღამაზი წიგნი, პირველ წიგნივით უჭირავს ხელში.
აქვს არტიზმი, ტემპერამენტი ტიციანისა და პაოლოსი,
ანთია მათი ღვთიური დენით, მათმა სულებმა გზა დაულოცეს!
იცნობენ ძმობით, კაცობით, ლექსით რეზოს - მასპინძელს ნაღვს და გულითადს -
თვით როფდესტვენსკი და ვოზნესენსკი, ვერტუენკო და ახმადულინა!
უშურველია, უღალატოა (ნაკლიც აქვს! - ამას ნუ გამოვრიცხავთ),
უყვარს ირაკლის, უყვარს ჭაბუას, უყვარს მურანს და უყვარს მორისსა!
სიკეთოდ ხარჯავს გულს და მარჯვენას, არავის ჩაგრავს (არც უჩაგრია!).
ვისაც, დაუშვავთ, ჩემი არ გჯერათ, მიდით და ჰკითხეთ ჯანსუღ ჩარკვიანს!
ხელგაშლილობა (შიაიტიობაც) თანდაყოლილი აქვს დედის მუცლით:
თავისთვის ერთ ცალ მისაკს იტოვებს, ჩამოსულ სტუმარს ხუთას ცალს უძღვნის!
რუსულ ენაზეც ტკბილმოუბარი ზის „ლიტერუზიას“ ერთ-ერთ პატრონად!
თუმც უამრავი ჰყავს მეგობარი, ამაშუკელი ხშირად მარტოა!
რადგან არ უნდა, რომ იყოს მარტო, ამდენ საღამოს ამიტომ მართავს,
თან ცეცხლოვანი ლექსებით ათბობს (ზამთარში) ხალხით გაჭვდილ დარბაზს!
და საკუთარი ბინა ჰკონია მას სახელმწიფო ფილარმონია!
...შეხვედრას სთხოვენ - კალთას ასევენ, არ ეშვებიან, არ ასვენებენ!
და ისიც ხვდება მევენახეებს, მეჩაოეებს და ჩარხმუნებულებს!
უცხოეთს, სადაც უნდა გაეზავნოს, არსად არ აჭმევს თავის ერს სირცხვილს!
არის ჯენტლმენი უზარმაზარი და ინგლისურიც, ამბობენ, იცის!
მამულისათვის თავის დადება უჩანს მღერად და უჩანს თამაშად!
გეტყვი, თუკი არ გამიბრაზდება: მას მოფერებით ჰქვია ამაშა!
მშობელი ქვეყნის, მშობელი ხალხის ჭირით და ლხინით იმუხტავს სათქმელს
და იმ საღამოს საღამოდ არ თვლის, თუკი საღამო არა აქვს საღმე!
მშვენიერად ნატავს, უკრავს და მღერის, ღიმილით დავსტენ ამასაც იქვე:
უსვად ასნივებს ლალ, კეთილ ღიმილს, ხალას იუმორს ხალხით აფრქვევს!
ძმურად ვახვევი, ვკოცნი, ვულოცავ და საღალბოს ასე ვუთმავრებ:
დე, ნუ მოშლოდეს ნურც მიწა, ნურც ცა, ნურც ვარსკვლავები, ნურც მზე, ნურც მთვარი!..

დახატა მერაბ ბარკანიშვილმა ეს მეგობრული შარკი პარიზში!
გაიცინა თუ არ გაიცინა მაშინ ამაზე რეზომ, - არ ვიცი!

ზაურ გოლჭავაძე

ქუს ტბა



ხელისგულივით ჩანს თბილისი,
- ამ უთენია,
მევსება უბე შაშვილ ჭანჭახით
და ვდგავარ ტბასთან
უძილობით, ფიქრით დაღლილი...

მთელი ქალაქი აქ ამოდის,
მანქანების ჯოგს
ამოჰყავს ხალხი,
ჭრელი ხალხი ათასი ჯურის...

და ტბის გარშემო იწყებს სირბილს
მინისტრი,
ქურდი,
საქმოსანი,
ინტელიგენტი...

დარბიან ასე,
ჯინჯილებად ასმულ ცოდვებით,
რომ წუთისოფელს გამოგლიჯონ
ერთი-ორი დღე...

- ხოლო გორაზე წამომჯდარი
მიქელ-გაბრიელი
სიცილით კვდება!..


ილუსტრაციები ჯ. ლოლუასი



არ არის სამართლიანი, როცა უმაღლესი სასწავ-
ლებლის ერთი წყაბა კურსდამთავრებულანისათვის
საგაღმადლოთა განაწილებით მუშაობა, მფორანი
კი მფონივე მუშობიან ორდინატორასა ან ასპირანტუ-
რასი, თანაც უსათუოდ თავიანთი მფობლებიან კა-
თედრატზე, იცავენ დინარტაციებს, მფიღებ კი იმავი
კათედრატზე განაბრტობენ მუშობას. იხეთი მკა-
ტებიც კია, როცა მთელი ოჯახები მუშობიან ერთ
კათედრატზე.



— მანანა, მამიღაშენმა მემოგითვალათ, ვახომ,
როგორც იქნა, დაამთავრა ინსტიტუტი და კათედ-
რატზე რამე ადგილი ხომ არ დავრჩათო?



გამანაწილებელი ხელი

ვაი-მჭერეშედი

როგორადან უნდა გაუკვირდეთ საქონლის მოგების მიხ.
ნით შესყიდვისა და უფრო ძვირად მისი გაყიდვის ტრფიალთ, ამ
საქმეს ლათინურად *Speculatio* ჰქვია, რაც ჩვენი ქართულით
ზვერვას, ანუ ჰვერეტას ნიშნავს და საქართველოს სსრ სისხლის
სამართლის კოდექსის 165-ე მუხლით ისჯება. აქედან გამომდინარე
საქეულანტს, მჭვერავს, ანუ მჭვერეტელს, სულ მცირე ათასამდე
დღე-ღამის განმავლობაში შეუძლია ზვერვოს და ჰვერეტოს ოთხი
კედლიდან. ალალი და უსაყვედუროა, ამოს!

ეს — რაც შეეწებოდა საქმის იურიდიულ, საკოდექსო მხარეს
კონკრეტულად და ლინგვისტიკას — ზოგადად. ახლა კი მივხედოთ
ჩვეულებრივ პროზას, ესე იგი ამბავს ვანელი ახალგაზრდა კაცისას,
რომელსაც უშრომლად სურდა გამდიდრებულიყო ერთობ საჭოჭმანო
გზებით და აკრძალული იღეთებით.

ოპარ შინაგალიაზე მოვასწენებთ, დაბა ვანის კოლმეურნეობის
ვაი-წვერვზე, მოსკოველთა სიძე კაცზე და, უკაცრავად პასუხია, სპე-
კულანტზე.

თქმა არ უნდა, ძნელია ახლა იმის დადგენა, თუ რა მიზნით და
მოსაზრებით ჩავიდა ბატონი ოპარი პირველად ქვეყნის დედაქა-
ლაში, თუმცა ვაჩისა და ყანის სიყვარულით რომ არ მიუტოვებია
მშობლიური მხარე, ესეც ცხადია. იმასაც სარწმუნოდ მივიჩნევთ,
რომ ოქროს საწმისის ქვეყნიდან ჩასული ჯაბუჯი მოიხიბლა მოს-
კოველი ასულით და შექმნა ოჯახი. მაგრამ რამ აიძულა მოსკოვში
ჩაწერილი ოპარი ამოწერილიყო იქიდან და ისევე ჩაწერილიყო
დაბა ვანში, მამისეულ ოჯახში? მსჯელობისა და კამათის მოყვარულ-
თ ჭიანჭველის ნაკვალევზე გაჩენილ ზეგებზეც კი გაუთავებლად
შეუძლიათ იგავლახონ: გამოთქვან აზრი, მიიშველიონ ალიბი, მიი-
მიჯნონ სულის სათნობით გაღვიძებული ნატვრა და სხვა. თუმცა
კონკრეტულ სიტუაციაში ოპარის ნაბიჯს ერთადერთი ახსნა მოეპო-
ვება: მოსკოვში ჩაწერილ კაცს უნდა ემუშავა! იქ კანონით დაწესე-
ბულ ამ მოთხოვნას ძნელად თუ გადავა ვინმე, ასეთი რამ კი
ოპარს მიზნის განხორციელებაში არ აძლევდა ხელს. აბა, როგორ
უნდა ემუშავა კაცს, რომელიც დღენიადაგ ფულზე ფიქრობდა. მოს-
კოვში ყოფნისას საქონლის შექენაზე ჩალიჩობდა, ვანში ჩამოსული-
გასაღებაზე.

ღიას... და ამ საპატიო მოსაზრების გამო გამოსკოველებული
ვანელი ოპარი ისევე ვანელი გახდა.

ლოგიკურია და ვინ დაუშლის ოპარს, თუ გენებათ, თვეში ორჯერ
იმოგაზროს მოსკოვში და პირუკუ, მეტიც — სამი, ოთხი გზა გაა-
კეთოს, თუ ნებაგს, ბოლოს და ბოლოს, მეუღლისა და შვილების
სიყვარულს ვინ დაუშლის, თუ საამისო სახსარი აქვს?

ჰოდა, აი, ძლივს არ მოვედით სათქმელთან? სახსარი ღიასაც
ჰქონდა ოპარ შენგელიას. რა გზით, რამდენი და საიდან? ამას
სათანადო ორგანოები ირკვევენ. ჰოდა, ეს გზას დამდგარი კაცი
მიდი-მოდოდა აქედან იქით, იქიდან აქეთ, ეზიდებოდა საჩუქრებს
და მარტო მოსკოველებს კი არ ახარებდა, ვანელებსაც არ წყვეტდა
გულს. ასე მაგალითად, დედაქალაქიდან ბოლო ჩამოსვლისას ოპარმა
ხუთი ათასი მანეთის საერთო ღირებულების იმპორტული სამრეწ-
ველო საქონელი ჩამოიტანა თანამემამულეთა გასახარად. რა გინდო-
და, სულო და გულო: პერანგებიო, კაბებიო, შარვლებიო, ფეხსაცმე-
ლებიო, კურტაკებიო... 24 წყვილი მარტო ქალის ჩექმა რად ღირს?!
— ესაო, — ბრძანებდა ოპარი, — ახლობლებისთვისაო, ნაცნობები-
თვისაო, ნათლულებისთვისაო...

გავიგონათ?! არ დაუჯერეს, არ ერწმუნენ, არ ენდნენ.

— რატომო? — იკითხავს გულშემატყვარი.
— იმიტომ, რომ, — ვუპასუებთ, — ოპარ შენგელიას ხშირი მიმო-
სვლა ჰქონდა დიდ ქალაქში და, როგორც ამბობენ, არც მარტო
ცოლ-შვილის სიყვარულით სჩადიოდა ამას.

ესაო, *Confiscatio*-ო, უთხრეს და ამ ლათინურის ქართული
აზრიც ამცნეს — ქონების ჩამორთმევა სახელმწიფოს სასარგებლო-
დო.

რისთვის დაატყდა თავს ეს უბედურება, ხომ ვთქვით, თუმცა გა-
ვიმეორებთ გულმავიწყთა შესავაგონებლად: მოგების მიზნით უკანო-
ნოდ შესყიდვისა და უფრო ძვირად გაყიდვისათვის!

თითქმის უწყინარი საქმეა, — ერთი შეხედვით, რაღა თქმა უნდა!

ანზორ ცხეაღიანი,

ვანის შინაგან საქმეთა რაიგანყოფილების უფროსის მოადგილე,
მილიციის კაპიტანი.

დავით ასპურაპა,
„ნინავის“ კორესპონდენტი.

ჩაქვნილი

ქორწილი



ერთ მშვიდ საღამოს მეუღლემ თვალები დამიბრიალა და მოსაწვევი ბარათი ზედ ცხვირწინ ამიფრიალა!.. მერე კოპები შეიკრა და დაიკვილა ცივი ხმით (შევატყვე, მისი კივილის მსხვერპლი ვსდებოდი დიდი ხნით!).

და როცა ფეხზე წამოვდექე, დღე დამაყენა ისეთი, მის „რეჩებს“ სუნთქვაშეკრული გათენებამდე ვისმენდი!.. ბოლოს, როდესაც დაეტყო დაღლა და დაძაბუნება, მიბრძანა: „სძლიე ქორწილის და დროსტარების

ცდუნებას! სანამ არ გეტყვი, სახლიდან ფეხი არ გქონდეს მოცვლილი!

მგონი, ოჯახის კაცი ხარ და არა ვიღაც მოცლილი!“ როდესაც ძილმა დასძალა (დმერთმა დამხედა მადლიდან!), ცოფიანივით გავეარდი ციხედქცეული სახლიდან!..

მასპინძლის ნაცვლად ჭიშკართან შემომხვდა მისი მძახალი, მითხრა: „გერვასი შოკშია, ფეხზე ვერ დგება საწყალი!.. დასუსტებულს და ჯანდაცლილს სჭირდება სისხლის გადასხმა,

ხუმრობა ხომ არ გგონია ათასი კაცის ჭამა-სმა?! უკანდახევა არ უყვარს, ხარჯებში ძლიერ შეტობა, იმდენი სარჩო მოზიდა, მთელს სოფელს ერთ თვეს ეყოფა!

მაგრამ სულელიც არ არის: იცის, დარჩება მოგება და არა მარტო ქორწილის ხარჯები დაეზოგება!..

არ გესმის?! გვერდით ოთახში ფულებს გაუდის ტკიცინი, სულ მალე შენც იქ მოხვდები, ახლა რომ ნაზად იცინი!“

სუფრა, უხვი და ზღაპრული, ერთ ვერსზე იყო გაშლილი და სმენად იდგა „მხედრობა“ — სმისთვის საღერდელაშლილი!..


ღირსების სრული შეგნებით, ვით ღვაწლმოსილი მგოსნები,

ცალკე სუფრასთან შეჯგუფდნენ მომღერალ-მუსიკოსები!.. თამადამ ჭიქა ასწია, რინით გაჰხედა მხედრობას და დღეგრძელობა მარადი უსურვა ნეფე-დედოფალს! იყო ჭიქების, ყანწების, კათხების გაცვლა-გამოცვლა, მერიქიფეებს სირბილით კინალამ სული ამოძვრათ!.. ვიღაცა სუფრის ბოლოში ფეხის წვერებზე იწვედა, ალავერდს ისე მაწვდიდა, თითქოს დუელში მიწვევდა!.. და ზეიმობდა სუფრაზე გამარჯვებული ბახუსი, თამადა ქუსდა: „დაცალეთ, თუ შეგრჩათ სინდის-ნამუსი!“ როცა მაყრების დალაშქვრას შეუდგა სუფრის თავკაცი, ვიღაცა ციმციმ ასწიეს და გაასვენეს საკაციო!.. შეიქნა ძიძგილაობა, ჩხუბი და აყალმაყალი!.. მძახალი მძახალს ებრძოდა, მაყარს ვერ ცნობდა მაყარი!..

ერთ მერიქიფეს ვიღაცამ სახეში ჩასცნო შამფური და, როცა გონი დაჰკარგა, შეუშხაპუნეს ქაფური!..

„გრანდიოზული“ ქორწილი დამთავრდა წივილ-კივილით და დამრჩა გაუგონარი სევდა და გულისტკივილი!..

ალმანაშორ თაჰაძე



ნახ. 3. კუციბანი

ჯალაღი

„ნაწილი“

მიმაქროლებს ჩემი „რაში“
აბასთუმნის შარაგზაზე..
გადარევიტ, „რადარებით“
ინსპექტორი გავაბრაზე..

გავფიქრე: — „ვოლგაში“
ვარ,
ვერვინ მოვა ჩემვედლო..
გავიხედე — დავინახე
ინსპექტორი სერვედლო..
წინ მოტოციკლი ეყენა,
დაგეშილი ჩემვედლო..
გავეციცი.. ამომიდგა
მაყარვიტ გვერდვედლო!

ხაზი მოგვედეს, როგორც
უველო
წვრილ-წვრილ
ლაშაქებვედლო.
შარაგზაზე ვუსწრებ,
მაგრამ
რა ვენა ბილიკებვედლო?!

აღმართში მე გავუსწარი,
იშან —
თავდაღმართვედლო..
გზა მომიჭრა, გადამიდგა
აბასთუმნის
წყალვედლო..

„აბა, ამას ჩაბბერეო!“
მაწოდებდა რალაც თახებს.
მე შეგონა ჩაის ჭიქა —
ატენური ღვინით ხავსე!..



გაღმომიდეს ჩემ „რაშიდან“
სხვა ტრანსპორტში
მომათავებს,
ის გამოსაფხიზლებელი
ქმაკაცებით იყო ხავსე!..

ავაშენა, ინსპექტორო,
აღარასდროს ჩავიჭრებ:
ახე როგორ მომიტოვე
ამოდენა ქმაბიკებით?!

ცივი შხაპით გაგვახარეს
უველა მძღოლი ბედნიერი,
დილაამდე არ შეწყვეტლა
ჩვენი „მრავალუამიერი“!

ვერ მიშველა ვაქაცობამ,
სიჩაუქემ, სილამაზემ:
გამიყიდეს ჩემი „რაში“,
მანქანების ბაზრობაზე!

მართლმს კასრამე



— სად მიგყავთ გუშაგი?!
— ამხელა მანქანა ვერ დაინახა და სამკურნალოდ მიგვყავს
თვალის ექიმთან!..



ნახ. ჯ. ლოლუასი



— მამი, ეს საქმეა, ამ ჯაბახანა მანქანით რომ დავდი-
ვარ ინსტიტუტში?!
— შვილო, შენ ოღონდ ინსტიტუტში იარე და „ინო-
მარკას“ გიყიდი!



„გამოცა ერთმა:
თქვენს ქალაქში მთა-
ლი დღის მანქილზე
პიქის საათია“.

უცხოელი სტუმრის სიტ-
ყვები (ქართული გაზეთ-
ბიდან)


მეოცე წელი გახდება,
რაც არ ვყოფილვარ
ქალაქში,
ერთკაცობაზე მეც ვცხოვრობ
მთაში, მამ-პაპის ალაგში.

გავკვირდი აქ ჩამოსული:
ველარ გამივლავ გზაზედა,
კუდიკუდს გადაბმულია
მანქანა მანქანაზედა!..

მთელ დღეს რომ მიდი-
მოღისხართ
ამ მანქანებში ჩამსხდრები,
ნიადაგ დალიპინდებით, —
რისათ იქნებით
გამხდრები?!

აღმა და დაღმა დაქრინართ,
მიავყირ-მიაკაკანებთ!..
ან საქმეს როდის აკეთებთ,
ან ცოლ-შვილს როდის
აკვალებთ?!

მტრისასა, მე რომ აქ
ენახე, —
ამდენ კაც, საქმეს
მამცდარი!..
ნიადაგ ხორც არ გეჭნებათ,
ყანაც ვეჭნებათ მამცდარი!..



გზა არა ყოფნის, ვაყებო,
ტრანსპორტს, პროსპექტებს
შეფენილს,
თან ამბობთ:
„მოვიკვეთოთო
უშრომლად მჭამელ-
მთქველუფელი!“


თქვენ შეაკითხეთ თქვენს —
თავსა,
მე თუ მცდარს ვამბობ
სათქმელსა:
ამდენ ხალს დაღის
ქუჩებში, —
ვინლა აკეთებს საქმესა?

რაც გინდა მძრახოთ,
ძმობასა,
რაც გინდა საქმე
გამწვავდეს,
თქვენ ქუჩა-ქუჩა თუ
ივლით;
მეც ფასს ავუწევ სამწვავდეს!

ჩაიწერა
ზოთა არაბაშლა
(ყაზბეგის რაიონი)



— რამდენჯერ გაგაფრთხილე, ავტომალაზიაში ნაწილებს თავის ფასში ნუ მოითხოვ-მეთქი?!



ღია ბარათი „შიგულის“ მძღოლს, რომლის მანქანის ნომერია 0008, ანუ ნოდარ გურგენიძის შურნალ „ნინავის“ ა/შ. მძღოლს ნომერში დაბრუნდით „შემთხვევის“ გაბრძნობა

ყველაფერი იქნება

ქუჩაში მოძრაობის პრობლემა

— ჩემთვის რომ დავეალებინათ, უმაღლვე გადავწყვეტილი ქუჩაში მოძრაობის პრობლემას! — თქვა ფირუზა თავიკრძაშვილმა, სავარ-ძელში მოხერხებულად მოიკალათა, ღვინის ჭიქით კონიაკი გადა-კრა და სიგარეტის კვამლის ბოლქვები კაფეს ჭერს შეაფრქვია.

— მართლა?! — ჭკითხვს ასეთი თამამი განცხადებით გაბრუნებულმა თანამესუფრეებმა და თავიანთი სკამებით მასთან უფრო ახლოს მიჩოჩდნენ. — მაინც რას გააკეთებდი?

— უპირველეს ყოვლისა, ტროტუარებს მოვსპობდი. ყოველგვარი ბოროტება იქიდან იწყება!..

— მაშ, ფეხით მოსიარულეებს რა უნდა ვუყოთ?!

— რა და, არაფერი! ეშმაკსაც წაუღია! — კატეგორიულად განაცხადა ფირუზამ. — ამ შუა საუკუნეების გადმონაშთი ქვეითად მოსიარულეებისათვის ისიც ზედმეტია, ქუჩის ორივე მხარეს რამდენიმე მეტრ ადგილს რომ ვეტოვებთ და თანაც იმ დროს, როცა საბრალო მოფრები და ავტომანქანების მფლობელები მოძრაობით გადატვირთული ქუჩებით უნდა ემყოფილებოდნენ!

— სრული ჭეშმარიტებაა! — კვერი დაუკრა ფირუზა თავიკრძაშვილს ერთმა თანამეინანემ და თან დასძინა: — თურმე ისეთი ფეხით მოსიარულეებიც არსებობენ, რომელთაც სეირნობა მოსწონთ!..

— რაო! — მეტისმეტი აღშფოთებისაგან სიტყვა აღარ დაასრულებინა მაგიდის წვერს თამადამ, ანუ იგივე ფირუზამ. — მე, მაგალითად, იახტა უფრო მომწონს, მაგრამ ჩემს უბრალო „როლს-როისს“ ვჯერადები. უნდა შეგეძლოს ადამიანს სურვილების დაოკება!

— რაც მართალია, მართალია! — დათანხმდნენ ვისკით უკვე საკმაოდ შეზარსოშებული თანამესუფრეები, — შენ არაფერი გეშლება!

— და იცით, კიდევ რას გავაკეთებდი? — განაგრძო ქებით ფრთაშესხმულმა ვუკაცმა, — ფეხით მოსიარულეებს კვირაობითა და უქმედლებში ქუჩაში გამოსვლას ავუკრძალავდი. აი, მაშინ მშვენივრად გაემგზავრებოდი კაცი ქალაქგარეთ და იმის ფიქრი არ შეგაწუხებდა, რომ შეიძლებოდა ყოველ წუთს ვინმესთვის მანქანა დაგეჯახებინა, ამ დროს ხომ ყოველთვის ბევრი დრო იკარგება ფორმალბობაზე!..

ამ საკმაოდ ხანგრძლივი სურობის შემდეგ ბარბაცით გამოვიდნენ კაფედან და თავიანთი მანქანებისაკენ გასწიეს!..

ესპანურიდან გადმოაქართულა შ. ამირანაშვილმა

შურნალ „ნინავს“ ვკითხულობდი გატაცებით ამ დღიას, პოეტ ნოდარ გურგენიძის ლექსმა გული მატიქა, — ამდგარა და ის შეუთხზავს, რაც უნახავს თვითონვე და გულივით გვიწვდის ცხარე ცრემლით სავსე სტრიქონებს!.. ლექსი გახლდათ სამიძმარი ძალღის პატრონ რეგენზე, ამნაირ ხალხს არაერთხელ ჩაუვლიათ ჩვენს გვერდზეც. ...მძლოლმა თურმე ძალღი იხსნა (ლამის თავი გაწირა), მაგრამ, ვაი, ამ გმირობას თავში იხლი რა ჭირად?! მძლოლს პატრონმა სამადლობო, თბილი სიტყვის მაგივრად შუა გზაში, შუა ხალხში უსირცხვილოდ აგინა!.. მგოსნის გული სათნო არის, სასჯელია ლექსობა, — პოეტს გულში ყველას დარდი ლახვარვით ესობა!.. ტკივილს ლექსი რას უშველის ან ნახშირით დახატვა? ღმერთო, ღმერთო, გაგვიმრავლე გამკითხავი ახვართა! გუშინ თავზე რაც გადამხდა, გამიმძაფრა ერთხელაც ბატონ ნოდარ გურგენიძის მძაფრმა ლექსმა — „შემთხვევამ“.

... საბურთალოს ფართო გზაზე, ბახტრიონის ქუჩაზე, მანქანებით გამვლელები თვალებს შიშით ხუჭავდნენ!.. ნული, ნული, ნული, ხამი ნომრის თეთრი „უიგული“ მოაპობდა ძრავთა ტალღას თავგასული, ჭიქური, ცრიდა ცოტას, იყო ზუსტად თებერვალის თხუთმეტი, ჩაგვიტროლა, მძლოლი ჩანდა ჰა, თვრამეტის, სულ მეტი! რა გვეღონა, ტროტუარზე ავბთით თავის საშველად, ის კვლავ უკან გამოგვენთო და ფეთება გვაჩვენა!.. ლამის ფრთები წაგვაცალა (რომ ვისხენებ, ვბრაზდები), არ გვაკმარა, სულ გვაგინა პაპის პაპის გამზრდელი!.. ცრიდა ცოტას, იყო ზუსტად თებერვალის თხუთმეტი, შვილის ტოლა ჩანდა მძლოლი!.. ჰა, თვრამეტის, სულ მეტი! იმ დღის შემდეგ გული კვენის მოურჩენელ ამ დარღში, გადმოგვიტა, ცემას რალაც ალალ ბედზე გადავჩიოთ!.. 0008 თეთრი ავტოს პატრონო!


დღემდე ასე უპასუხოდ როგორ უნდა დაგტოვო?! საზღაურს ვერ გადაგიხდი, ვერც დაგადებ ბორკილებს, გზაზე ვეღარ ჩაგისაფრებ კარატისტს და მოკრივეს, ერთია კია, უნდა გითხრა, პატრონი ხარ იმ ძალღის, ნოდარმა რომ დაგვიხატა გულის შემძვრელ სიმძაფრით! ღია ბარათს გიწერ ლექსად და გაკმარებ ამ სასჯელს, 0008 ნომრის ავტოს მესაჭევ!

ბრიგოლ გულუსიძე



— რევიზია მყავს, მამოწმებს!..

ნან. მ. აბაშიძისა



— ამ რობოტს კი გარდავქმნი, მაგრამ შენ რა მოგიხერხო?!

გაგონება

იუმორისა

დირექტორმა საგანგებოდ მოიწვია აქტივის კრება. ფაქიზად დაკეცილი ცხვირსახოცი ამოიღო, თვალები შეიმშრალა და ბარჯორჯერ აწონილ-ვაზომილი სათქმელი დაიწყო.

— ამხანაგებო! სამწუხარო ამბავი უნდა მოგახსენოთ: ჩვენგან მიდის ჩვენი დაწესებულების ბურჯი!.. კოლექტივის სული და გული!..

აქტივის წევრებმა ცხვირსახოცები მოამზადეს. მართალია, ჯერ არავინ იცოდა, რა ხდებოდა, მაგრამ მთავარი იყო, ენერგიულად აყოლოდნენ დირექტორს ემოციების გამოხატვაში.

დირექტორი შეეყოვნდა, მასაც თავისი გასაჭირი ადგა — საქმე ის იყო, რომ სამსახურიდან მიდიოდა მისი პირველი მოადგილე. ეს უბრალოდ სამსახურიდან წასვლა რომ ყოფილიყო, არც ამდენ ხალხს მოუყრიდა თავს ხელქვეითის გასაცილებლად და, მით უმეტეს, არც გასაჭირში ჩავარდებოდა.

მოადგილეს ტრესტის მმართველის მოადგილე აღინაურებდნენ და სწორედ ეს ფაქტი აგდებდა დირექტორს ორ ცეცხლშუა — მისი მეტისმეტი შექება საკუთარი პერსონის დაქინებდა ეჩვენებოდა, არადა, სახობტო უბითებობი

სგან თავშეკავება კი, ვინ იცის, მომავალში საღწააწარება — ყოფილი მოადგილე მისივე ერთ-ერთი უშუალო ხელმძღვანელთაგანი ხდებოდა! დირექტორი შორსმჭვრეტელი კაცი იყო და იფიქრა, სჯობს პირველმა ცეცხლმა დამწვას, ვიდრე მომავალ ხელმძღვანელს ვაწყენინო, და რისიანად განაგრძო:

— ჩვენგან მიდის ჩემი მარჯვენა ხელი, ყველასათვის საყვარელი ადამიანი, ჩემი პირველი მოადგილე მამია რაჟდენიჩი, მიდის და მიაქვს ჩვენი გულები!.. ტოვებს მისი წასვლით გულდაწყვეტილ კოლექტივსა და სიკეთის წარუშლელ კვალს!.. მაგრამ გვაშვიდებს ის გარემოება, რომ მას აწინაურებენ — ტრესტის მმართველის მოადგილედ გადაჰყავთ!..

დირექტორმა ერთხელ კიდევ მოავლო მგლოვიარე მზერა დარბაზს და დაჯდა.

მამ ასე, რაჟდენიჩი მიდის! — ამ განცხადებამ დენივით დაუარა დამსწრეთ. მართალია, ენანებოდათ ერთადერთი საკმინ მუშაკთან დაშორება, მაგრამ ახლა უფრო სხვა რამ იყო მთავარი — თანამდებობა თავისუფლდებოდა! დასანიშნ კანდიდატურას უთუოდ რაჟდენიჩთან შეათანხმებდნენ, ამიტომ თავის გამოჩენა იყო საჭირო.

სიტყვით გამოსულები ერთმანეთს ეჯიბრებოდნენ ორატორობაში და ეს მხოლოდ დირექტორის მოადგილის საყარძლის მძებნელთ როდი ეხებოდა. რაჟდენიჩის წასვლას შეიძლება ჯაჭვური რეაქცია მოჰყოლოდა — თითო საფეხურით ბევრი გადაინაცვლებდა ზემოთ. ეს კი რაჟდენიჩის ქებისათვის საუკეთესო კატალიზატორი იყო. ყოველივე ამან ქებას მიუჩვეველ რაჟდენიჩის მადლიერების გრძნობა გაუორკეცა და მადლობის სათქმელად წამომდგარს გული აუჩუყდა.

— მეგობრებო, ნამდვილად მიმიძიშ თქვენთან განშორება! არ მეგონა, თუ ასეთი ძნელი იქნებოდა მშობლიური კოლექტივის დატოვება, თორემ არც კი დავთანხმდებოდი გადასვლაზე!.. იქნებ ჯერაც არ არის გვიან?!

რაჟდენიჩის ბოლო სიტყვებმა ცივი წყალი გადაასხა დარბაზს. „ეჰეე!“ — გაიფიქრეს, — „ნამეტანი მოვიწადინეთ!“ ხმამაღლა კი გულთბილად უკიჟინეს:


— ეს როგორ?! — ერთმანეთს არ აცლიდნენ დარბაზში, — იქ უფრო გვჭირდებათ! რას იზამთ, ზოგჯერ მსხვერპლიც არის საჭირო!

კრების შემდეგ მოსალოდნელი ცვლილებების მოლოდინმა მთელ თვეს გასტანა. ყველა თავისას წუხდა, დირექტორი — იმას, რომ ტრესტს მცოდნე მოადგილე არ გამოეგზავნა, სხვები — იმას, რომ უწილოდ არ დარჩენილიყვნენ.

ერთი თვის შემდეგ კი ყველაფერი გაირკვა: ტრესტის მმართველობამ ახალ მოადგილედ მეცნიერებათა კანდიდატი გამოგზავნა, რაჟდენიჩი კი განყოფილების გამგედ გადაიყვანეს!..

გიორგი სანაქოვი





ნაოიუმორესკა

რომან დირექტორმა თათბირზე თვალების ბრიალით გამო-
ვეიცხადა, ძირეულად უნდა გარდაიქმნათ, თორემ თქვენი ლანდი
არ იქნება სამსახურშიო, ჩვენც ავდექით და დავიწყეთ გარდაქმნა:

ვინც სამუშაო საათებში სამსახურში ან რესტორნებსა და სა-
სნიკლებში სვამდა, ახლა, ნურას უკაცრავად - თავის სახლში ზის
ჩუმად და სვამს!

ვინც მთელ დღეს ჭადრაკს თამაშობდა და საათობით ერთ სვლაზე
ფიქრობდა, ახლა შაშს თამაშობს - უცებ წააგებს ან მოიგებს და
დროსაც იგებს!

ვინც სამსახურში დაგვიანებით ცხადდებოდა და ატუზული იდგა
შემოსასვლელში და ვანტიორიფ არაფერს არ ეუბნებოდა, ახლა ჩუმად
ლობეზე თუ გადაძვრება ან სხვა საიდუმლო სვრულით შეიპარება
სამუშაო ობიექტზე!

ვინც სამსახურიდან ადრე გარბოდა, ახლა მთელ დღეს ადგილზე
ზის და ამოქნარებს - ვადაზე ადრე, რომ მოკლა, ფეხს ვერ მოაფ-
ვლევიანებ სამუშაოდან!

ვინც უფროსებს პირში ეუბნებოდა სიმართლეს და ნაკლოვანებე-
ბზე მიუთითებდა, ახლა ჩუმად ლანძღავს და ჭორავს!

ვინც სახელმწიფო დოკლასად და ქონებას იტაცებდა, იპარავდა და
თავისუფლად გაქონდა საწარმოს ტერიტორიიდან, ახლა აგროვეებს
და ადგილზევე საწყობში მალავს - დღისით, მზისით გატანას ვერ
ბედავს და ხელსაყრელ მომენტს ელოდება!

ვინც სამსახურს უმიზეზოდ აცდენდა, ახლა ცნობა მოაქვს, რომ
სამუშაოზე ვერ გამოდის საპატიო მიზეზის გამო!

ვინც ვალბ სამედიცინო ბიულეტენს წარმოადგენდა ხოლმე ადრე.

ვითომ ავად იყო და კვდებოდა (სინამდვილეში მოსკოვის „კომში“
ან „ცუში“ იდგა საათობით რიგში), ახლა სახლში წის და რომ
შეამოწმოს (რასაც წინასწარ ვატყობინებთ), ლოკინში წაყოფილია
წამოწოლილი დაგვხვდება!

ქალები რომ თავიანთ სამუშაო კაბინეტებში დღისით, მზისით.
ყველას თვალწინ დეფიციტური ნივთებით ვაჭრობდნენ და სპეკუ-
ლანტობდნენ, ახლა ისე არიან დაშინებული, ტუალეტის კარს ჩაკე-
ტავენ ხრლემ და იქ ყიდიან რამერუმებს. ყავაზეც კი მხოლოდ
მამინე მკითხაობენ, როცა უფროსი გასულია და დაბარებული აქვს,
რომ იმ დღეს აღარ მოვა. ის კი არა და, წარმოიდგინეთ, სამსახურ-
ში ძილსაც კი ვერ ბედავენ, თავს ითავისუფლებენ, ცუდად ვარო,
და სახლში მიდიან დასაძინებლად!

ვინმე რომ მთვრალი გამოცხადდეს სამსახურში, უფროსი იმ წუთ-
ში შინ აგზავნის მანქანით, თითქოს სადღაც დავალების შესასრუ-
ლებლად გაუშვა!

ვინც ნიჭიერი, თავისი საქმის მცოდნე, კარგი სპეციალისტია და
ადრე არავინ არაფერს ეკითხებოდა, დღეს, პირიქით, ყველაფერს
იგი აკეთებს, უსაქმურებსა და უვიცებს არც არაფერს ავალებენ და
არც აძლევენ უფლებას მცოდნე კაცს ხელი შეუშალონ (მარტო
სელფასს აძლევენ!).

ყოველ დილით რომ საათნახვერიან თათბირებს ვატარებდით,
ახლა ორ დღეში ერთხელ ვატარებთ, ოღონდ - სამსაათიანს!


მამაკაცები რომ ჩვენს ქალებთან სიყვარულობანას თამაშობდნენ,
ახლა მუშობელი საწარმოს ქალებს ეარშიყვებიან!

აი, ასე ხელ-ნელა და თანდათან დავიწყეთ გარდაქმნა...

ვანო ცინცაძე



ნახ. ბ. ზუგაშვილისა



უსიტყვოდ



უსიტყვოდ

ბიუროკრატია

საქართველოს
ბიუროკრატია

მე ღერეფანში ვდგავარ და ვიციდი,
როდის გაშიღებს მდივანი კარებს,
როდის დაიწყებს მმართველი სიცილს
და მერე ხმის ტემბრს როდისღა არეცს!..

როდის მორჩება ვიღაცის ლანძღვას,
ჭიქაში „ბორჯომს“ დაახსამს როდის,
როდის მიირთმევს ყავას და ნამცხვარს!..
მოკლედ, საშველი არა აქვს ლოდინს!..

ო, ეს ლოდინი მე შკლავს და მარბევს,
აქ საღამომდე ვიდგები, მჭერა!..
მდივანი ქალი იღებავს წარბებს,
ერთხელ არ მესვრის ასული მჭერას!..

გამოვარდება მმართველი უცებ:
— მე წავედიო! — ამის თქმას ასწრებს...
და ვჭმუჭნი ხელში დაჭერილ ფურცელს,
თავს ვეღარ ვუყური არეულ აზრებს!..

მდივან ქალს ლამის სახეში ვპერთყე
(ნება რომ დამართონ, ალბათ მოვკლავდი!).
ღმერთო, ჩემსავით აწვალე ერთხელ
ყველა გულცივი ბიუროკრატია!..

ჯონი ბაზენაშვილი

განსახოვანებელი ღინაღოვები

სტუმარ-მასპინძელი

მასპინძელი: ნახე, რამდენი ნივთის პატრონი ვარ!
სტუმარი: პატრონი კი არა, ნივთების მონა გამხდარხარ!

მეგობრები

— რაც უფრო გამდიდრდი, მით უფრო წუწურაქი გახდი, ჩემთვის არაფერი გემეტება! რუსთველმა რომ თქვა, რასაცა გასცემ შენია, რას არა, დაკარგულიაო?
— უფრო ადრე სენეკამ თქვა, მეგობარმა გული რომ გთხოვოს, არ მისცე, ურჩიე, მოთხოვნები შეიზღუდოსო!

ნათესავთან

— რად გინდოდა, ამდენი ბროლის თასი რომ დაგიხვავებია?
— როგორ თუ რად?! ქონებაა, სახელია!..
— ეგ რა სახელია, შე კაცო?! სახელი დიოგენემ დატოვა: ერთი ტოლჩა ჰქონდა და ისიც გადააგდო, ზედმეტი ყოფილაო! ეს ამბავი 23 საუკუნეა ახსოვს კაცობრიობას!

ფანოსანი და მანქანოსანი

ფანოსანი: ძველი რომის სენატის ლიდერი კატონ უტიკელი ეტლში არ ჯდებოდა, შიშველი ფეხებით დადიოდა!.. შენ სად მიგერქარება, ძრავის რახუნითა და მავნე გამონაბოლქვით ქვეყანას რომ აწუსებ?! ჰამაც დაგაკუტებს სულ მანქანაში ჯდომა!

მანქანოსანი: რა ვქნა, ორი მანქანა მყავს და, თუ არ ვატარე, დამეყანება!

ფანოსანი: დიდი სატანჯველი გქონია!.. კიდევ კარგი, სამი არა გყავს!

ფუნქციური დამოკიდებულება

გყიდველი: მათემატიკოს კაცს ანგარიშში მატყუებ?!
გამყიდველი: აბა, რა ვქნა, რეპეტიტორები იმდენს მთხოვენ მათემატიკაში შვილის მოსამზადებლად!

პროტაქცია

პროტაქცია: არა გრცხვენია, ამდენ ქრთამს რომ იღებ?
პროტაქტორი: შენ ეგ იკითხე, მე რამდენს ვაძლევ!


საოპარატიოზი

პასიენტი: ოდესღაც სამედიცინოში მისაღებ გამოცდებზე კომისიის წევრი ვიყავი, ცოტა შეღავათი არ მეკუთვნის?
ქირურგი: მაშინ ჩემს ჩარიცხვაზე მამაჩემმა რაც ხარჯი ნახა, ორმაგად უნდა ამოვიღო!

ამაოვება ამაოვებათა

— ამაოვება ამაოვებათა და ყოველივე ამაო. — უთქვამს თურმე სოლომონ მეფეს. ნეტავ, ისეთი რა გაუჭირდა?
— როგორ თუ რა გაუჭირდა?! — სამასი თუ ხუთასი ცოლი და ათას ორასი ხარჯა ჰყავდა, თანაც ქვეყნის სიმდიდრეს ფლობდა. მაგრამ ბრძენი იყო და მისვდა, რომ ზედმეტი ყველაფერი ამაოვებათა ამაოება!

აპოლონ ბასილაია



საბირისა და იუპორის
შუკანალი „ნიანგი“ № 12
(1742). იენისი. გამოდის
1923 წლის იენისიდან.

მთავარი რედაქტორი
ზაურ გოლავაძე

სარედაქციო კოლეგია:

აგთანდილ ადვიშვილი
(პასუხისმგებელი მდივანი).
კახუა ამირეჯიბი, ნოზალი
ხართია, ბორის გურგუ-
ლია, რევაზ თვარაძე, ჭე-
მალ ლოლუა, ნოდარ მა-
ლაზონია (მხატვარ-რედაქ-
ტორი), ალექსანდრე სამსო-
ნია, ზევან სიხარულიძე,
(მთავარი რედაქტორის მო-
ადგილე), ჯანსუღ ჩარკვი-
ანი, თამაზ წივწივაძე, ნაფი
ჭუსოითი.

ტექნიკური რედაქტორი
ირაკლი დუნდუა

გალეცა ასაწყობად
22. 05. 87 წ. ხელმოწერი-
ლია დასაბეჭდად 11. 06.
87 წ. ქალაქის ზომა
60x90¹/₄, ფიზიკური ნაბე-
ჭდი ფურცელი 1,5, სააღ-
რიცხველ-საგამომცემლო თა-
ბახი 1,9, საქართველოს კა-
ტეგის გამომცემლობა, ლე-
ნინის 14. შეკვ. 1336.
უე 04875. ტირაჟი 144.000.
ყურნალი გამოდის თვეში
ორჯერ. რედაქციაში შემო-
სული მასალები ავტორებს
არ უბრუნდებათ.

ჩვენი მისამართი: 880008.
თბილისი-8, რუსთაველის
პროსპექტი № 42.

ტელეფონები: მთავარი
რედაქტორის — 99-55-54,
მთ. რედ. მოადგილის —
93-19-42, პ/მგ მდივნის —
93-10-78, მხატვარ-რედაქ-
ტორის — 99-02-38, გან-
ყოფილებათა გამგეების —
93-49-32, რედაქტორ-ლიტ-
მუშაკების — 99-02-38,
მდივან-მემაწიანის —
99-76-69.

Сатирико - юмористиче-
ский журнал «НИАН-
ГИ». (На грузинском
языке). Тбилиси, пр. Ру-
ставели № 42. Издаель-
ство ЦК КП Грузии,
Ордена Трудового Крас-
ного Знамени типогра-
фия издательства ЦК
КП Грузии, Тбилиси,
улица Ленина № 14.

ფასი 20 კაპ.
ინდექსი 76137